

**Unniutjuti Miitirningani ukunani Kavamatuqatkunni-Avikturhimanirni-Ukiuqtaqtuni
Ministani Maligaliqinikkut Inungnunlu Qayangnaitjutikhainni
Januali 21, 2016**

Quebec City, Quebec

Miitirnirmi Ikhivautaqatigiik

Miitirniq ikhivautaqatigiiaqtuq ukunangga:

Jody Wilson-Raybould Ministauyuq Maligaliqinikkut Maligaliriyiyuaqlu Kanadami;

Ralph Goodale Ministauyuq Inungnun Qayangnaitjutikhainni Upinngaqtunikkullu

Upalungaiqhimanikkut Kanadami;

Stéphanie Vallée Ministauyuq Maligaliqinikkut Maligaliriyiyuaqlu Québec-mi; unalu

Pierre Moreau Ministauullaktuq Inungnun Qayangnainnikkut Quebec-mi.

Nunavunmit Ilauyut

Miitirnirmut ilauyut ukunangga Nunavunmi Minista Maligaliqinikkut Maligaliriyiyuaqlu Paul

Okalik, Tukliq Minista Maligaliqinikkut William MacKay, unalu Ministaup Ikayuqtia Jesse

Mike.

Naunaiyautit

Piqarlrhuni nutaamik kavavamatuqatkunnik kaffiniklu nutaani avikturhimanirni

ukiuqtaqtunilu kavamanik, Ministat uqaqatigiikpaktut, piliurhutik nutaanik piqatigiigutikhani,

naunaiyarhugillu ihumagiyayuyut havagutiqatigiiktakhamiknik tikittukhani tatqiqhiutini.

Minista Okalik uqaqpaktuq angmarutini naunaiyarhugit Nunavutip turaangania

ihuinaaqtailinikkut ikayurhimayaalu ihivriurniq aallanguqtirutainni Conservative-kut

kavamaanin ukununga ihumagiyayuyungnairutikkut piyarutinun pipkaihimayuq

ihumagiyayuyungnairutikhanik ayurnarhiyuummiqtipkaiyut piyaami.

Nunaqaqqaqtunun Pitjutit – Qanuriliurutikhaq Inirutikhanun, Tammarhimayunun

Inuaqtauhimayunun Nunaqaqqaqhimayuni Arnani Arnaruhinilu

Ministat uqautigivaktait ihumagiyayuyut inirutikhatigut Nunaqaqqaqtuni Inungni,

ilitturipkautihimayut uumannga Itquumayukkut Inirutikhatigullu Ihivriurhinin (Truth and Reconciliation Commission).

Ministat ilitariyaa ihariaginiq qilaminnuaq hulitjutigiyaami kiunikkut ningarniit ukununga Nunaqaqqaqhimayunun arnanun.

Ministat ilitarihimayaat taamna Maligaliqinikkut Pitjuti, pitjutiqarhimayuq amigaittunin

unniutjutinin uqautinilu Nunaqaqqaqhimayunin Inungnin, nutaanguqtiqtauttaqtuq

ilaliutihimalugit aallat naunaihimaliqtut, ilaqarlunilu uumannga Kanadamin Ihivriurhinirmin.

Ministat hivulliuqtait tukliit ministat aulapkaihimmaaqplugit anginiqaqtuq FPT-kut

havaqatigiiknirniit, ilauyuqlu pipkalirlugu Maligaliqinikkut Pitjuti atuqtipkailirlugu maliklugit

nunagiyayuyuni hivulliuqtiyayumaniinnik. Taimaalu, ilitarihimayaat havakhimmaaqtukhat

tamaani nunaptikni iniqtirlugit inirhimaittut pitjutit tammaqhimayuni inuaqhimayunilu

Nunaqaqqaqtuni arnani arnaruhinilu, pimmarigharlugillu hulitjutikhat ikayrutikhallu

aaniqtauhimayunun ilanginnunlu.

Ministat uqautigivaktaa tukhiqtauhimayuq Ihivriurvikhaq ukununga tammaqhimayuni

inuaqhimayunilu nunaqaqqaqtuni arnani arnaruhinilu. Ministat turaanganiqaqtut hivuagut-

Ihivriurhivikmi miitirniinnik qanuqtullu ihivriurhiniq havaktauttaqtuq. Kanadaup Kavamanga

inirhinaqtut hivuagut-ihivriurhinikkut havagutunik atulihaaliqqat 2016.

Taamna Nunavutip Minista Maligaliqinikkut uqaqhimayuq Nunavut ikayuqtaa Ihivriurhiniq akhuurhaqtaillu Kanadaup Kavamanga pipkailugu Ihivriurhiniq kiuyakhaa ihumaginiq aihimavikni ningarniit.

Ministat uqautigiyaait Itqiliinni Paliihimaunikkut Pinahuaruti ihariaginianilu angikliyuummiqtirniani pinahuarutimi pipkainikkullu kiuhaannaqtaaliriatjutingani. Nunavutip Minista uqaqtuq ikayuutunik angikliyuummiqtirninganik pinahuarutimun ukiutaqtunun.

Akiniarniit Akhuuliqpiarnirun Tuquffinaqtunun

Minista uqautigiyaait ihumagiyaayut akiniarnikkut akhuuliqpiaqtipkalirutait Kanadamiunik ihivriurhuliklu qunngiaqtipkaitjutimik inungnun hapummitjutikkut Kanadamin uumani ihumagiyaunirmi akhuuliqpiaqtipkalirutainni ingattaqpallaarhimanirnilu.

Qaritauyalitjutikkuurutikkut Ihuinaarniit

Ministat qunngiaqtitauvaktuq ukunangga Inungnun Qayangnaitjutikhainni Kanada ukunani qaritauyalitjutikkuurutikkut-ihuinaarnirni uumanilu qaritauyalitjutikkuurutikkut hapummitjutikhatigut. Ministat uqautigiyaait qilamik aallanguhainnaqpaktut qaritauyakkuurutit qanuqtullu nakuutqiyayunik hapummiyaghat IT (qaritauyakkuuyuktut) aulapkaitjutit, ilitturipkaitjutit, pitjutigiyaayullu.

Maniliqtuutipkainiq Aallakkuurutipkainikkullu Maligaliqitjutit

Ministat uqautigivaktait angikliyuummiqtiraanginnaqtut piyumanikkut Maligaliqitjutini pitjutaani ihariaginirnilu amigaitqiyayunik ikayurutikhanik apirhuiviknun, paliihimanun, itiqtauviknunlu. Ministat uqautigivaktait nakuutqiyayunik havagutunik nunamikni qanuqtun havakhimmaaryuummiqpakhutik atuqhutik angummatjutilluangittunik aturutinik.

Ministat angiqhimayut aulahimmaarnikkut tunitjutinikkut nakuutqiyayunik havagutunik taimaalu uqautiillu amigaitqiyayunun maniliqtuutikkut ikayrutikhat maligaliqiyikkut aulahimmaaqtukhaq.

Taaktinin Ikayuqtaupluni Tuquniq

Ministat uqautigiyaait qangannuaq inirhimayuq ayuittunin katimayiinnin unniutjuti uvuuna taaktinin ikayuqtaupluni tuquniq. Quebec uqautigiyaait atuqpaktamikni uplumimun. Ministat angiqhimayut havaqatigiighimmaariami uumani anginiqatumi ihumagiyaayumi.

Tukliq Miitqivikhaq

Ministat miitiffaarniaqtuq ukiughami naunaiyaffaarumaplugit hapkuat anginiqatut ihumagiyauniit angikliharyuummirumaplugillu uqautit aallanun nuiliqtunun inirhimaittununluunniit hunanun.